

雙合鷓鴣文雀雙木

衮甫同奉金錫持弱稷楠仁質
文章淵博追踪于蘇海韓潮詩
賦清腴媿美一班香屈豔髻奉
倉餼占鴻漸以高騫早弼登賢
歌鹿鳴而式燕既而挑膺立選
試擢魏科朱染翰于木天遂宣

雙冷齋文集

卷一

序

一

猷于水韻何乃鴈擄中阻頓易
轍而改絃鳳綉重須等枉尋
而直尺爰辭北闕載賦西征
數驛路于秦川哦唵助興問蠶
叢土蜀衛山水怡情迨蒞弩城
誕敷棠惠雉忘羅而春乳政善

鞠多牛脫佩而朝耕民懷粒我
措析楊于弗用欣衽席之同登
轉覺賢吏多爾雅夙有致絲桐
理罷日著佳爲翺翔細帙裝成
增光輝于史冊將雕梨棗囑撰
琳琅石林筆鮮生薈敢遷續貂

雙冷齋文集 卷一 序

土誚詒徒撫藻聊伸附驥之私
夙締苔文諒寬樗棄光緒乙未
寅正月奉愚弟張桂林拜序



川遊路程記

予既不得志於京師，改官選授四川酉陽直隸州黔江知縣。時光緒十四年歲在戊子建申之月也。京職陞授外官，同人多集筵祖道，予學習工部三年，奏留歸候補主事班，又年餘，碌碌無所短長，官卑交寡，不得與外放道府者比齒，而二三同年交遊，亦折柬招飲作別。茶莊酒肆，饜飶者月餘，繼聞長女在鄉里病甚，領憑後，促裝就道。於八月初七日出都，延訂舊友張雲樵主會計，內眷二人，跟丁二人，騾轎小車二，大車一，馬一匹，行李眷屬盡於此矣。由是君門萬里，非計偕卓異引見，不再覲上國光，能無戀闕情慙哉！斯日行四十里，宿常

雙冷齋文集

卷一

川遊路程記

一

x 8 8

新店遠送老石君慎亭，以蔦蘿之親，兼桃李之誼，同宿夜話，不覺漏盡。初八日平明，灑涕而別。過良鄉，登趙君樂村學署，展拜一茶話別。寶店打尖，晚宿涿州。初九日起行，西山蛟水新漲，經過琉璃河橋，尚有淤沫痕，聞此奇災，沖沒溪溝廬舍，無算。爲二百年來所未有。大京兆派員查賑，未知作何撫恤。橋頭矮屋數椽，僑寓貨物，有賣蒲扇者，趁地曬晾。河伯威怒，使旅人觸目心驚。高碑打尖，晚宿北河，一路紅棗林熟，野花生香，殘荷疎蘋間，時有游魚出沒，蜻蜓點水，秋味盎然。隨車玩賞，幾忘行旅之苦。初十日安肅打尖，時新雨之後，漕河一帶低窪，幸秋高氣爽，連日晴霽，過涉無虞。晚宿保陽，西

關、晤內弟胡佩芳。佩芳年未弱冠，橐筆在臬署，從刑名家學，志專容靜，吾知其必有成也。卽留聯床夜話，悉其旅費不充，量予飲助。十一日方順橋打尖，晚宿望都。十二日晨起，大風飛沙蔽目。至定州打尖，聞富紳王文泉卒，特備賻敬往弔。文泉故孝廉，有宿望。凡吾州公事北上者，多識其面。集畿輔叢書，刊刻者數十種，未就。賫志以沒，惜哉！然吾與其子姪游，知皆能負荷者也。文泉不死矣，別與契友張惺庵匆匆作辭，情殊不快。晚宿明月店，是夜濃雲密布，霜風颯烈。比十三日曉，微雨間關行。至伏城驛打尖，移時雨腳滂沱，彌望滑滑，途行不得矣。下午卽卸裝老程，越日十四雨止。趙陵鋪打尖，日暮。

雙冷齋文集

卷一

川遊路程記

二

二十一

抵獲鹿縣，獲鹿故多親友，又值中秋節臨，乘月色來會者接踵，咸以欸留過節爲請，而予以探病情切，了無興致，急易車爲架窩，帶領妻女先行，車裝落後。十五日宿板橋，十六日宿估衣鋪。十七日午後抵義井鎮故里，甫卸裝卽促問女病耗，而女死矣，痛哉！屈指三年之間，遭家不造，妻妾子女相繼物故，慘愴怛怛，益抑鬱而誰與語，少休。至十九日祭告先人墓前，密誓以此番出仕，升黜難卜，決不以賊私貪汙貽先人羞。有一於此，先人殛之，不食其食，祝畢含涕而歸。自此遠別父母，卽墓矣，痛何如哉！二十一日叩別兩兄長及戚友父老，約至親范受珊同行，由義井起行，三十里至辛興，宿長慶店。二

胞兄所設也。至則如歸。午後雨。晚加甚。二十二日大雨。二胞兄在焉。盤留宴語。倍極情歡。若天特阻行。使驅歌甫唱。壘篋又和也者。二十三日晴霽。過行。清泉驛打尖。晚宿壽陽縣。黃門鎮。堂姪誥遠送半程。依依有離別可憐之色。慰遣始歸。二十四日太安驛打尖。一路紅土泥溢。驟轎失腳。予下扶持者。再未嘗不嘆行路之難也。晚宿榆次縣。什貼鎮。八十里。什貼巨鎮也。往來車馬運載。多於此更換。故喧闐異他處。二十五日徐溝界。王胡打尖。沿路秋水被野。餘糧棲畝。豐熟景象。宛然在目。斯日氣躁。驕陽以曩。行者渴甚。晚宿祁縣界遼西八十里。二十六日賈令鎮打尖。其南昭餘藪。卽賈大夫射雉處。

雙冷齋文集

卷一

川遊路程記

三

飯後單騎進祁城觀音閣。上香。城內部郎渠小洲。舊東道主也。街巷亦多相識者。未便羈留。故過門不入。晚宿平遙界洪善村。八十五里。二十七日。至平遙縣城。從學武曜西。偉康兩昆季郊迎。延至伊家。登堂拜其封翁正南先生。和易老子也。相待極款洽。周至。適予鄉孝廉楊吉咸亦在彼設帳。以久別師弟。而兼舊雨。聯牀歡留。一日有餘。語刺刺不少休。竊計其家人父子間。洩洩怡怡。必肇嘉瑞。而今果曜西食餼。偉康中己丑恩科舉人。甲午恩科進士。以卽用籤分四川矣。修德者獲報。積厚者流光。不信然歟。二十九日行四十里。至界休張蘭鎮。東君冀達堂觀察遣僕婢來迎。導至伊家北辛武村。沿

路廬舍頽圯瓦礫滿目蓋自光緒四五年荒劫後人民流亡元氣未復兼地近汾河沮洳特甚比及伊村則垣宇高峻華屋雄偉屹然改觀入門握手慰勞歡若生平肆筵設席情文兼備夜復圍爐談心絮語忘曉次日躬導徧觀其內室之壯麗陳設之精好與夫別墅花木石砌之布置雅且當而後知達堂之持家侈不踰節儉適中度也達堂年五十六矣撫幼孫彭年嶄然頭角幾能典謁他日恢宏家道繩其祖武予固刮目有待斯時從游高碩生亦來會武曜西昆弟均遠送至此依侍不忍離予爲賦努力愛春華離別在須臾句成太息泣數行下九月初二日揖別汾水淺隘一葦可杭越介休縣

雙冷齋文集

卷一

川遊路程記

四

人上川

行五十里宿義棠鎮達堂亦尾送焉主同部屯田司主事李君叔度家盤飧饋薦翦燭道故醴醴有味比就寢曉雞已號矣起辭二人作別道經古武城永利寺三賢故里及郭有道先生之墓先生當漢季獨能遠於黨禍人倫東國墊巾風徽穆然可想南望綿山亘連不絕介公祠在焉行三十里越兩渡鎮又三十里至靈石縣打尖靈石故名區何氏科第甲吾晉望其山郭城闔聳翠蘊秀蔚藍萬狀瑞石在焉以車馬輓轡未暇詳顧過冷泉關而地形一變蓋自榆次池遯西南來數百里間沃野平原人民富庶太汾英華咸於斯萃尖後行十餘里巍然高聳橫絕者韓侯嶺也上有淮陰侯廟與墳石

雙冷齋文集

卷一

川遊路程記

五

級巉巖滑如峻阪馬蹄一著星火迸裂車輪轟耳欲摧守要者率以此爲重鎮驟輻勉踰嶺抵仁義司仁義鎮車扶輪不及就嶺上宿焉明日初四由仁義候車至同行十五里老張灣打尖又四十五里宿霍州有石橋鎮河牛霍名山匆匆越過暮色霏微翹然高望而已初五日行四十里窰子鎮打尖大風微雨尖後行五里過趙城縣路旁車載茄大如西瓜紺紫可愛趙城多水田淵泉灌注農夫利賴而行路爲難到處泥滑車輻傾側顛仆陷溺及馬腹者數四而卒掀於淖無恙又四十五里抵洪同縣斯日行晚路徑沾濡黃昏車輻前後相失覓燈照渡深淺不可測心頗惶遽繼思人生合眼放步

本聽造物低昂古君子履險如夷自我作主心把持始定比就宿與同人談及咸嘆以爲有天幸焉初六日行六十里平陽府打尖藩睇城郭雄偉雉堞參列民俗厚實有陶唐氏遺風題曰古高梁城府北門外有帝堯陵晚宿趙曲鎮四十里初七日六十里高縣鎮打尖道經豫讓橋又三十里宿候馬鎮鎮隸絳州地當衝區山陝襟要初八日中鎮打尖五十里過鐵閘關有晉郭璞讀書處適川夫頭劉某接至又三十里宿聞喜縣縣裴晉公故里也晉公佐憲宗平淮蔡中興相業爲有唐冠又臨涑川尋司馬溫公故蹟心慨想者久之初九日至水頭鎮四十里打尖旁有裴社鎮過漢侯龍亭晚宿的

相鎮五十里。斯日大風霜信重陽。草木黃落。天地肅殺之氣。透衿衣入。縮瑟不禁。其南解州鹽池在焉。河東天產也。歧路越過不獲睹。心殊悵悵。初十日五十里。祁任打尖。行過虞帝陵。晚宿七級鎮四十里。沿路棗林成行。車隨之轉。安邑千樹棗。信然。數日行。苦無肉食。店菜惟供青椒一味。而饅首豐大白潔。每食祇勝二枚。自天降康。豐年穰穰。想民之熙皞。登春臺也。十一日四十里。呂芝鎮打尖。過蒲州府北關外。城郭雄偉如平陽。而野曠土肥。極自遼廓。勝之村落間。柿蒂成林。株株垂黃。顆顆圓勻。味甜蜜可咽。晚宿韓陽鎮四十里。街市花店極多。山陝交關。貿易歸穴處也。計自韓侯嶺南來。左眺太

雙冷齋文集

卷一

川遊路程記

六

行中條。右俯龍門。河津山重。水複表裏縈結。信強霸之國也。斯晚御者以來。日渡黃河。恐他人之先我著鞭也。又恐午後之風起。阻行也。戒早行。十二日雞初鳴。卽駕行。十餘里。天方曙。望風陵疾馳。一路紅塵逐轡。土溝紛歧。日向辰。行四十里。抵河北岸。警覩波濤洶湧。拍浪兼天。紫泥浮空。混混從上游來。有奔流不可遏抑之勢。布颿梳木。森立縱橫。船隻十餘號。旅人爭渡。船夫嘈雜喧嘩。車馬踐踏。牽挽上船。人畜行裝。擠竝如鶴。跂浩浩蕩蕩。前以一空船聯絡。斜行搖櫓而過。回視別船。則一瞬迅駛。下流十餘里不見。方錯愕間。旋見飄渺傍南岸。挽回。徐至水淺渚。次下船。甚矣。黃河天險。飛渡不得也。

心驚悚者久之。過河不數武，屹然雄峙於對面者潼關也。潼關倚山阻河，東接河南閩鄉，北跨蒲解，南連商雒，西踞朝邑。華陰誠三省之扼要，秦中之咽喉也。就山巔環以圍牆，臨河干護以炮臺，中闢路陡坡，直上抵關，守關者櫜戟嚴備，禁察而後得過。比至關內，甫下車，風起塵飛，洪流阻渡矣。而後知車夫之歷練，與夫此行之處處有天幸也。尖後過楊橋鋪泉店鋪，楊花鋪三十五里，宿華陰縣華陰廟，太華在其南，遠望峭碧摩天，三峰削起，夕陽返照，青翠萬狀，疑俱有神靈呵護。口占以誌。華山仙掌碧摩天，大拇痕分跡宛然。最愛峰巔拈欲笑，花開朶朶竦披蓮。十三日晨起，望嶽前進，吟興頻發，有

雙冷齋文集

卷一

川遊路程記

七

華州卽事，高欲與天迥。巍巍信嶽哉，巖前連布瀑。嵐翠疊屏開，羽箭金神搏。頭盆玉女來，曉雲低濕處。疑是到蓬萊，行五十里，柳子鎮打尖，一路南望，岡巒起伏，綿亘不絕，行近華州，少華山突起，高聳與太華齊，而峰迴氣合，從人面立，絕頂梵聲隱隱，仙境頻逢，令人有厭惡塵囂之意。道中忽感懷亡女，詩云：百年歲月快如梭，死逸生勞勝自多。一縷幽魂尋母去，祇留老子耐奔波。抵華州城，東有唐汾陽王祠，自咸豐間回匪倡亂，焚劫殆盡，灰燼之餘，殘缺滿目，不勝荆棘銅駝之感。又道旁豐碑屹立，題曰宋寇萊公故里，晚宿赤水鎮，四十里，十四日過渭南縣，渭河在北，以距驛路之遠也，未得臨觀。五

十里零口鎮打尖行過趙蘭相如墓晚宿臨潼縣亦五十里
斯日道阻且長比投宿街市俱上燈久矣各店有人滿之患
東西關徧覓無所容車夫回云無已其往南關公館乎竊計
不過尋常官弁傳舍休息一宿聊資下榻而已孰意途窮而
反逢勝景也行將近漸覺氣蓬蓬然月光微明樹色似辨不
辨入門下車司閹者導以入徑路滑甚怪之問曰此溫泉處
也屋內外左右俱有泉可就浴來朝請畢觀予唯唯已而盥
洗不取諸鄰急以盞燭之則隨處逢源皆溫暖可掬予欣然
曰異哉人生一餐一宿莫不有天定鄉令車快馬健行百里
如飛不疲苦則已與販夫俗客共偃息於通衢旅店中矣尋

雙冷齋文集

卷一

川遊路程記

幽選勝此夢想所不到也飯後不出居廬就地裸浴爽滑異
常既呼僮照路另屋有澗池可容三四十人間壁頻聞水聲
活活蓋皆土人就浴於其中者也歸而與家人劇談皆用嘻
嘻貼然就寢不知東方之白比曙司鑰者重門洞開歷階而
升導至別院則壺嶠勝景也其南廣廈五間北向名人對聯
匾額指不勝屈其東遊廊其北瓊樓稍就下其西玉宇顏曰
楊妃洗凝脂處院內有深池仰視山形壁立古木菁葱環觀
雕梁畫柱猶是富貴氣象蓋自漢唐建都離宮別館三十六
所今雖時移世易而鴛鴦瓦冷尙留故蹟可尋爲之流連徠
徊不忍去或曰斯處驪山也中有硫磺故水溫焉未及深考

僕夫促就道，過新豐市，猶有昔時沽酒者乎？杏雨一帘，易而爲茅屋數椽矣。經灞橋，灞水淺淤，兩旁柳枯削殆盡，已幾無可攀折，獨臥虹一條，足供奚囊佳句。惜予枯腸難索也。循臨潼山，越譚公清水橋，五十里至西安省，時月之十五日，未及午，抵省城西門內祥泰店，卸車焉。關中爲千古帝王之州，其俗仁厚，其田上上，而今繁華如建章宮千門萬戶者，蕩焉無復存。獨西上隴垂南入漢川，百貨累積，人烟輻輳，儼然一都會也。城內街衢洞達，屋宇高峻，惟裝修質樸耳。市塵亦不甚鬧熱，適內親承德府葛石齋明府選投郃陽縣在省，彼此過存，備道契濶，又同鄉直刺杜石生大令齊尺生兩同年亦與

雙冷齋文集

卷一

川遊路程記

九

又七川

謀面，旋被招飲在某樓集宴，杯盤狼藉，別饒風味，其品有海參、滙旁、蟹特佳，爲都中食譜所無，惜未醉眠，如飲中八仙故事也。店有携碑洞字碣來售者甚夥，酌購數種，皆唐時石刻，欲往觀一擴眼界，而未果。居四日，易車爲肩輿，僱夫二十一名，驟七頭，載行李，全由西安省起程，五十里宿咸陽縣，其北有周公墓，文王武王陵，蓋望見焉。渡小河二道，未悉何名。二十一日，五十里，與平縣打尖，經唐王馬跑泉，尖後過馬嵬鋪，下輿謁楊貴妃墓，其前廟壁間題詠頗多，其墓土可爲粉，沃面光潔，家人戲取一撮，以爲美談。晚宿扶風鎮，四十里，二十二日，四十五里，武功縣打尖，路旁有漢蘇子碑，武功城外兩

水環抱、冲刷特甚、三十里宿茂林鎮、詩曰、茂林秋雨病相如、
交采風流、動人慨想、其南太白山、又云、終南山、二十三日越
扶風縣、六十里至益店鎮打尖、晚宿祁山縣三十里、其南葫
蘆嶺、過五丈原、尋大星墜處、謁武鄉侯祠、而弔其相業之不
終、二十四日四十里第五村打尖、又四十里宿底店鎮、泝水
經此會於渭、自長安西來、南望高與雲齊、連絡不絕、而皆平
遠、無或如太華少華之屹立、詩云、終南何有、有紀有堂、不信
然歟、至是或爲太白山、或爲少白山、或爲岐山、均匆忙未深
辨、二十五日入寶雞縣、山口陳倉驛、公店有賣豆粥者、予就
以充腹、眾夫因爲軒渠、四十五里益門鎮打尖、晚宿觀音堂

雙冷齋文集

卷一

川遊路程記

十

又七川

三十五里、仰視峭壁摩天、穹壑絕底、一行失足、卽有性命之
虞、蓋其東南卽秦嶺大散關、而予路側向西南行、二十六日
五十里黃牛鋪打尖、晚宿紅花鋪三十里、蠶叢一路、高高下
下、崎嶇難行、旅人至此、率以一身置之度外、二十七日雨老
程、二十八日過草涼驛、四十里白家店打尖、其西十八盤、晚
宿鳳縣四十里、鳳縣因山爲城、險固可守、東關有張果老棲
隱碑、其南最高、盤屈上二十里而絕頂者嶺、嶺之東、山坳翠
微、林木菁葱、曉日烘晴、從樹頭出、隱隱有古剎現、問卽果老
棲隱處也、神爲之怡、口占以詠、鳳縣城頭鳳嶺橫、鳳嶺高絕
鳳泉生、泉生終古流汨汨、時有鳳凰來止鳴、山光悅性覽輝

清况復去天尺五薄雲輕翠柏蒼松森茂密屏翳不知曉日
明下有幽壑深澗窈無底環視眾山拱如百國朝玉京肩輿
昇升邱馬驚雲梯石棧相鉤縈人畜攀躋如蟻附上下四十
餘里頗不平聞道張果在此隱殮朝霞兮餐石精修竈鍊丹
歷年月丹鼎洪開九轉成成丹不知何處仙遊去空留鳳鳥
名此城名此城動詩情予素不解古風律今爲此人籟也而
純乎天籟固不計工與否也二十九日三十五里心紅鋪打
尖過留鳳閣及項王秦章邯古蹟五十里南星鎮宿焉三十
日經陳倉道口過留侯祠古木葱鬱蔭翳左右蕭然起敬惜
行急未遑入廟參拜對面題曰韓信斬樵夫處越柴關嶺六
雙冷齋文集 卷一 川遊路程記 十一

十里棗木欄打尖晚宿留壩廳四十里小陽月初一日五十
里鐵佛店打尖越武關四十里宿馬道驛西樊河橋褒城縣
治漢舞陽侯所修也屢被山水冲刷厥後以鐵鎖橫亘始獲
無虞又題曰蕭何追韓信處口占以誌江水奔流響急湍石
堵幾費慶安瀾斷橋鐵鎖遙相接穩渡樊河仔細看雲樵堂
弟在此貿易晚供豆粥薑鹹菜味甚佳也初二日褒姒店打
尖六十里尖後過雞頭關路旁有白石土地祠古碑甚夥祝
一瓣香乘輿直下其東絕底烏江世傳以爲高祖霸王爭戰
處不禁感懷云項劉百戰決雌雄命盡烏江狗亦功憑弔雞
頭關下路楚吟漢業兩俱空晚宿漢陽府褒城縣三十五里

以上所歷俱秦棧也。自陝西寶雞入口，循秦嶺折而西南，至鳳縣又折而東南，以抵漢中。計日八，歷程六百一十五里，皆羣峰削劣，夾人頭腦，幾於冥不見日。下視所履，石磴溜滑，非陡坡卽獨木板，仄不容足。輿夫草屨，猱升足底，束以鐵篋，謂之足鞵。從山泉蒙生處，的曳而過，巧不可階。踰大嶺，輒逆體汗流涔涔下，甚矣。行路之難，難於上青天也。所過尖站與山陝異，蒸白米飯及熟肉大塊，處處么喝響，邊行雲且紅粉當爐。雅有文君相如臨邛，沽酒風致。行店床榻光潔，可帖息。獨闕入山嶺，惱人殊甚。至雞頭關，而眼光一濶，南望漢川沃衍，沙平如掌，綠水一泓，源由蟠塚來，直抵漢陽南鄭城固，曲折

雙冷齋文集

卷一

川遊路程記

三

可繪。天府之雄，宜乎高祖資之以興，而曹劉百戰亦於此爭衡也。初三日西行，經諸葛造木牛流馬處，五十里黃沙驛，打尖。又四十里宿沔縣，一站俱平路。縣有武侯祠，廟貌巍然，塑像尊嚴，住持山西平陽人也。操土音，欵接甚殷，導入後院土岡上，棕櫚葉戰，橘柚分香。遙指南山，高而不峻，曰：此定軍山也。武侯遺命葬此，望之鬱鬱葱葱，然祠東不數武，宿草蒙茸，有馬孟起之墓，嗟乎！臥龍發蹟於南陽，驃騎蜚聲於西州，卒能感會風雲，扶持鼎足，爲漢功臣，而諸葛公忠貞明慎，尤爲三代下有數人物。迄今墓木樵薪，阡石礪角，曾無封禁，爲之守塚。馬公之壠，幾於耕牧侵欺。子焉蕩平，况吾輩庸庸，幾

何不與草木同腐爲之流連感嘆者再題壁誌慕迄今復觀漢官儀雙表垂勳仗出師贊拜欲名名不得登堂肅謁立多時其二陽平屢次出雄關不掃中原誓不還良將謀臣同此烈遺骸命葬定軍山初四日立冬節候嚴凝微覺寒冷行四十五里蔡壩打尖晚宿大安驛四十五里一站西行而南亦平路也大安距嶓冢山不遠其西數十里陽平關也以路折而南不得過斯晚小雨至次日初五連織不絕入五丁峽跨金牛峽以至五丁關冒雨前行仄徑崎嶇如舊關勢雄險扶輿攀折而上有感而云力闢蠶叢說五丁關前山後極崢嶸新泥帶雨如油滑惱煞遊人不得行按華陽國志周顯王之

雙冷齋文集

卷一

川遊路程記

三

世蜀王有褒漢之地因獵谷中與秦惠王遇惠王以金一笥遺蜀王王報珍玩之物物化爲土惠王怒羣臣賀曰天承我矣王將得蜀土地惠王喜乃作石牛五頭朝瀉金其後曰牛便金有養卒百人蜀人悅之使使請石牛惠王許之乃遣五丁迎石牛旣不便金怒遣還之乃嘲秦人曰東方牧犢兒秦人笑之曰吾雖牧犢當得蜀也此卽其迎石牛處六十里滴水鋪打尖晚宿甯羗州三十里甯羗在漢陽西南由東北來雖羊腸一徑山重水複半皆岡阜不甚懸絕至州治而南望穹山排冪青如石壁參天拔地橫絕無路嗟爾遠道之人胡爲乎來哉初六日曉行雨霽途次口占誌喜旅囊濕盡更沾

衣遊子艱行欲遽歸。最是天公能解意。濃雲散去日輪輝。緩
行入峽中。三十里迴水。河打尖。路有武侯七星燈臺。尖後過
界牌關。標曰西秦第一關。入四川界。走七盤嶺。七盤關。磴道
縈紆。高而不仄。與秦棧異。盤曲而上。幸不危險。蓋自沔縣西
南行。至五丁關。又正南行。至甯羗州。折而西行。稍南以抵七
盤關。山窮水盡。疑無路。柳暗花明。又一村。唐人詩中有畫。信
不虛也。晚宿教場壩。四十里。適遇場期。趕場人未散。道路填
塞。喧嘩呼之不應。熙熙攘攘。盛世景象也。場市所貨。類布帛
菽粟。無奇巧炫異之物。產香稻米。購得一升。煮熟。不啻異味
之嘗焉。初七日四十里神宣驛打尖。驛街道整齊。生意茂盛。

雙冷齋文集

卷一

川遊路程記

西

司尉缺分。諒不苦瘠。午後微雨。過龍門閣。巉巖絕壑。幾於無
可攀躋。道路亦險滑。異常。以兩手持轎杆。頭汗欲滴。驚顧靡
定。甚矣。行路之難也。晚宿朝天鎮。三十里。初八日雨甚。休息
一天。初九日曉霧濛濛。輿夫畏登山。慙慙從水路。乘舟至廣
元縣。而予以非正道。不許。蓋水爲徐家河。向出煤炭。故舟楫
通焉。促上朝天關。關勢陡絕。插入雲霄。直上二十里。幸石梯
層累。步步可循。絕頂越飛仙閣。直下二十里。沙河驛打尖。尖
後過龍洞巖。山勢迴合。無路可通。水泉亦幾壅遏。忽穿一穴。
皆冥無底。水從山下。行十數里出。誠奇觀也。俚句記事。水抱
山環不得前。龍門一穴是誰穿。當年禹跡疑經過。鬼斧神工

削宛然上龍門閣卽事龍洞巖前水抱環摩天疊翠仰層巒
一峰突起當人立嫩柏蒼梨古閣間過龍洞巖循山頭南行
沿路霜葉裁紅猶是深秋景致而盤谷幽阻疑入桃花源別
有人家又經千佛崖就崖鑿如來相尊尊變幻莫可端倪不
知起於何時計五十里廣元縣宿焉廣元爲入川首站百貨
會萃人物繁庶屢卡設焉南關頗有妓女容面柳眉輕箏雜
彈綽約動人初十日曉發城東兩河交滙一爲嘉陵江源由
西北來一問津拏舟而過路旁有玉女泉碑題曰唐明皇雙
魚夾舟處五十里宿昭化縣斯日行不遠而道路泥濘特甚
口占云高下亂山中羊腸一徑通廣元及昭化足踏軟泥紅
雙冷齋文集卷一 川遊路程記 五

十一日四十里大木樹打尖過天雄關牛頭山詩以寄興高
關陡絕指天雄昭化城南體勢崇漫嶺長坡兼石磴何年蜀
道啟蠶叢尖後石級縈紆兩旁古柏森列類漢唐時物懸木
牌以誌不禁閒詠沿途起伏盡山岡古柏參天列道旁石砌
周行平若砥肩輿過處喜遵王行人劍門關遙望兩山排青
高與雲齊中峽徑容足而已其對面高壘壓頂鑿石架空以
通行道華陽國志武侯作爲飛閣卽今所謂劍閣是也三國
志鍾會入蜀姜維退守劍閣晉元康中李特率流民就食巴
蜀過劍閣嘆曰劉禪有如此險面縛於人豈非庸才過劍閣
約計四五里至劍關共四十里劍門關宿焉按四川通志保

甯府劍州北二十五里有劍門山亦曰大劍山一名梁山東北三十里爲小劍山兩山相連崎嶇欲絕十二日四十里漢陽鎮打尖又四十里晚宿劍州城路過天然圖畫處沿路古柏垂蔭約有數百株東門楹聯蜀西扼要無雙地川北繁難第一州住某店適有婚者借店欸客懸燈結彩熱鬧異常十三日至柳池驛四十里打尖晚宿武連驛四十里武連古縣名諸葛武侯屯兵處地較平敞通漕挽粟故渠依然十四日四十里上亭鋪打尖尖後過古瓦口關古劍泉及七曲山九曲水梓潼帝君故里仙境靈豁樹木菁葱下輿展拜廟貌堂皇引入入勝四十里宿梓潼縣十五日至宣化鋪四十里打

雙冷齋文集

卷一

川遊路程記

六

尖晚宿沉香鋪四十五里路過羅漢橋常日履險視之如夷無勝蹟可紀十六日至綿州四十五里綿州衝區尖後過市人肩相摩輿夫爲所擠仆跌致輻底板折約束始復上路閱漢蔣公碑渡茶坪河六十里宿金山鋪十七日三十里羅江縣打尖晚宿德陽縣五十里路過白馬關卽古落鳳坡有漢龐靖侯廟廟以諸葛配饗廟後卽其墓予入廟展肅移時比近縣城路旁題曰漢秦宓故里又有孝子姜詩坊孝婦龐氏坊十八日五十里至漢州打尖路越武侯八陣圖晚宿唐家寺三十二里十九日由唐家寺過新都縣城三十七里至天迴鎮打尖又二十里三點鐘時抵成都省城同鄉同譜弟戴

石生明府在城外某寺郊迎累年濶別覲面相歡迥異尋常
茶話温敘有頃始各上輜籠寓至城內華興街明源店卜居
焉計自甯羌州西南來閱程幾半月共一千零五十里其間
高高下下程途杌隉大約兩山之間有川大川之上有涂而
以廣元縣之朝天關爲北門鎖鑰卽以劍州之劍閣劍關爲
咽喉其餘遙望山巔樹木輪囷山腳水田機趣洋溢此流彼
汲儲爲不涸之源其零星戶口傍田居者類竹籬茅舍雞犬
相聞頗有瀟然自得之趣綿州德陽一帶田間甘蔗成林輿
夫買以解渴餘亦寒菜黃花被滿山野似北方八月間節氣
其人物則男女秀曼附城居者衣冠楚楚語言都雅其販負

雙冷齋文集

卷一

川遊路程記

七

七
上

率用背篋以木拐子擎以歇氣所貨烟葉藥材居多棉花次
之醪酒又次之自漢州來地漸平壤田疇沃澤人物富庶天
府之國自古稱最宜乎天下有事割據偏安者競以此爲窟
穴也成都省距京師西南五千七百里東西跨有三千里南
北三千二百里非金城湯池不足以拱畿甸而控蕃服蜀城
肇自張儀規制宏壯歷漢唐迄今代有建置國朝康熙

初巡撫張德地率屬修培城高三丈厚一丈八尺周二十二
里三分計四千一十四丈東西相距九里三分南北相距七
里七分敵樓四堆房十一門四東迎暉南江橋西清遠北大
安外環以池滿城附城內西偏城垣周四里五分此其大略

也貢院居城之中明蜀藩府舊址前列三門洞達堅厚類宮闕象入門府試院附其東總督署在城東南走馬街提督學院署學道街布政司署城東稍北梓潼街按察司署中東大街成綿道署華興街鹽茶道署城南鹽道街成都府署城北武擔山東府正街華陽縣麗其東成都縣倚其西提督署鼓樓南街池東提督街錦江書院南門池西文廟街將軍都統居滿城中其正街二北門大街鼓樓北街南街東門下東大街中大街西東大街縱橫通衢一大十字街池南暑襪街魚市口青石橋新開街池北小十字街提標大廳凍青樹獅子巷池東總府街棉花街池西提督街總府街池北福興街梓雙冷齋文集

卷一

川遊路程記

六

川文

撞街雙柵子恆隆當街桂王橋北街池南小鼓樓北新街中柵子新街口池東南科甲巷棉花街之西其南北打金南打金街臥龍橋其東池北書院街北紗帽中紗帽南紗帽街三聖街提督街之西池北代書街池南錦江橋煙袋巷指揮街鼓樓街之東西橫街各四西以文廟街府正街爲最長東以會府街爲最夥其間曲街小巷不可枚舉花樣錦官第見與馬梭織而已

造戶口冊示 十五年到任鄉約點卯給冊

照得州曰知州縣曰知縣必周知地方之利害情形而後可
以稱職黔邑僻處山箐榛莽雜居其間鄉壩厯落不齊又界
連彭咸石硯利川酉陽等處幅員橫距犬牙相錯幾三四百
里居中控馭實有鞭長莫及之勢時有外匪攔入搶劫擄掠
恣爲不法而實內窩爲之線眼內窩除盜源清矣但向來內
窩不除多由戶口未清因而保甲漫無稽查遂致弱肉強食
族大者尙可支持單微小戶益不聊生本縣爲民父母斷不
容此奸宄魚肉鄉民爲此仰該團保等清查戶口編聯保甲
其煙戶稠密者按十家牌聯絡至山父零星小戶亦相地制

雙冷齋文集

卷二

黔篆小補

一

x x

宜令響鑼擊柝爲號倘有匪徒驀入一處警動四處聞聲者
咸糾衆以相救或斷其去路或杜其來途庶幾賊匪驚而喪
膽不敢逞其覬覦至甲內有慣作窩家者准團保查實捆送
至署立即盡法懲治決不令團保等稍受拖累爾團保等亦
各精白一心秉公辦理地方一年內能無竊盜命件者卽屬
著有成效本縣將給以花紅親加慰勞兩年內能無竊盜命
件者卽屬大有成效將獎以匾額俾各鄉知所矜式至孝友
睦嫻任卹相率敦行於爾團保有厚望焉

清查之法詳列於左

一先將村界四至共若干里山何名水何名繪作一圖

一將鄉內庵觀寺院共幾處是何名載清

一將鄉內田土約分上中下共出穀若干挑載明

一將鄉內出何木植有無鐵厰載明

一將鄉內有無儲存社穀共若干石載明

一將鄉內有無舉貢生監是某某共若干人載明

一將鄉內有無年高德邵孝子悌弟賢孫年七八十以上老

農載明

一將鄉內有無孝婦節婦鰥寡孤獨窮民無告之人載明

一將鄉內有無殷實紳糧慷慨好施之人共幾家載明

一花戶寫某人年若干歲有妻者寫配某氏子二十以上書

雙冷齋文集

卷二

黔篆小補

二

川

名寫媳某氏餘統寫一戶共幾口業儒業農業工業商游手
不寫承種穀挑若干是否土著佃客載明

一鋪戶寫某號掌櫃某人年若干歲是何處人夥同某某共
幾口是何生理載明

堯咨泮洞殷重五遷河水之患自古爲烈雖大小不同而受害則一全賴人事爲之挽回書云天工人代易曰窮變通久職斯道也查悉黔邑舊河由城西上沙壩曲轉而南形如玉帶環過城外旣與風水相合城中又無驚濤之苦實爲形便至同治間舊道沙淤日高曲轉處淘刷日深遂致直決而東淹沒良田無算當事不爲急籌聽其自然迄今彌望無旣盡屬沙墟新槽開而舊道梗塞每遇夏秋泛漲匯衆流挾西山諸水而來洪波巨浪高如建瓴一時宣洩不及城中遂有爲魚之患據云十一年夏河水浸城漂沒廬舍不計其數茲於

雙冷齋文集

卷二

黔象小補

三

六月初二日聞報水復漫溢城廂登時出勘見民皆驚立水中比間皆與波臣爲伍而河勢仍濁浪排空洶湧異常未能先事籌備臨時亦復束手無策空自驚歎而已水退親勘得城外河水一由西來一由北至由西來者如仍行舊道則大溜趨而向南水勢旣殺北至之水源近流淺無能爲害惟是黔邑素稱瘠苦又兼正值農忙遽興大工諒非容易爲此仰爾紳董及軍民人等趕緊籌議或由城外修築隄堰或徑將舊道沙淤趕卽挑撥一面先築木櫃以折水衝再思鑿石以固永基俾水向南趨就有歸庶幾城內共免昏墊而本縣亦稍盡地方之職不至玩視民瘼至欸項一切仰首事暫行

墊發將來作何籌欸由本縣作主萬不至偏受辛苦又拖重
欸不給天災流行時序代有思患豫防易象所戒况近在燃
眉乎其各懷遵急籌毋忽

不謂縣中流父母望日倚閭親戚探動步武見官長喝鹵部
衣熱墊躄口魚對國週一豈官不自由知歸米豆殊積粟善
昔負首小週無大賈餘對床千百瘦只覺寒瘦云翻錄平安
日冬風惡夏雨賦是志為友有作游草贈半口非鼠耗贈
銀呂吳最恭若

雙冷齋文集

卷二 黔篆小補

四

勸民息訟歌

十五年秋

黔邑民最瘠苦多山做少田土食包穀住草廡棕爲衣蓬作
戶冬風漂夏雨漏男赤足女囚首打豬草飽牛口非肩挑卽
背負有小販無大賈積微利千百數兒號寒妻乏哺縱平安
亦淒楚輕口角慣鬪毆一經官不自由做詞狀互栽誣票差
下驚雞狗管飯食仍捉捕到衙門百般苦吏奸猾役餓虎非
花錢莫申訴父母望日倚閭親戚探動步武見官長喝鹵部
魂魄驚神色抖膝長跪言囁嚅作不是杖笞呼憑官斷十條
路都想贏又誰輸倘負屈誰憐汝下堂來羣啄嗅要了案甘
結補房班言重謝候不足量莫外走變產業典衣褲求完事

拖累久店飯錢積山阜何日還子女售貧賤然富貴固羞衣
冠玷宗祖傍書差受凌侮勸爾民莫氣吼安本分懲忿怒睦
鄉鄰講信友聽刁唆適自誤戶錢田祇細故憑團保認理楚
縱喫虧非偏枯不傷氣便益壽宜兄弟養父母顧室家遠匪
徒無事福享悠悠

右歌三字俚句一片婆心熟玩毋忽

雙冷齋文集

卷二 黔篆小補

五

移復舊

聖廟議

十五年秋

竊維禮經以祀典爲重祀典以 聖廟爲先 聖廟創建沿
革不一而總以地基寬平規模宏敞爲昭誠敬肅觀瞻之本
查黔邑廟學始建於縣之東北繼遷西北卒復於東北山下
卽今所謂舊 聖廟是也前僅一大成殿自嘉慶九年署令
羅憫其荒蕪慨然建修鳩工庀材內宮外牆格局整飭自光
緒六年遷廟後人跡罕至櫺星門泮池間鞠爲茂草而略一
掃除階級光淨棟宇整潔立大成殿上遠望門外翠柏交蔭
紅牆週遮側轉入 崇聖祠亦復規制謹闕窗壁完固而且
靠山高峻來龍不隔左顧右盼疊障聳然信乎蘊蓄宏深必

有魁梧奇偉特達之士鍾毓於其間以見靈爽呵護之不虛而豈僅博一科侔一第哉且廟學相依昭假無間所在皆然黔何得獨異卽以科名論嘉道咸同間兩登鄉榜一擢經魁何嘗不利而必以地基卑下受風受溼羅致其詞甚無據也以今廟較之高則高矣受風不尤甚乎溼幸免矣而舊廟地址堅凝亦何嘗沮洳浸淫也總之新廟孤處四無所靠前促後竭舉不足觀雖多方培置能藏其功不足以孚衆望而妥聖靈厯察遷廟以來發科者僅一人而水旱頻仍迄今未休雖天災流行不盡由此或者其欲借以深徹乎且夫子善衛荆之居室欲魯之舊貫戒侈靡重改作也董子云治道有偏

雙冷齋文集

卷二

黔篆小補

六

六十一

而不舉之處乃改絃更張如琴瑟然第非大壞未易云變革也禮經云有其舉之莫敢廢也新廟奕奕將如舊廟何檢閱縣志火藥局地前經建學後移置城內伊時必有見地茲惑於堪輿家說遽議改置功未及半所費不支泮池狹小餘地無多寬平安在宏敞謂何將復有此數千金之巨款以堆於孤露之地乎爲此再四躊躇仰爾名宿老生紳董及己未入學後進公同商酌可否將舊廟略爲整理謹奉先師安臨故座春風時雨必有一番發育我輩春秋丁祭登降上下主祭與祭執事者綽有餘地非如新廟之陡坡壁立先竭其氣力而後將事也因舊址省巨款壯廟貌便入事神人旣和嘉

庶不至不此之務而索其杳冥不可必之風水甚無謂也然則新廟將如之何猶前所云有其舉之莫敢廢也或將武廟移置於此惟是南門血食歷有年所忽然更動亦未可輕議現在三台書院地基狹小房屋無多計不如將此基作爲書院中間仍奉先師兩旁各置一大龕一供鄉賢一供名宦其山長住屋卽置於旁之三間所有東西兩廡改作生童肄業處所再將餘款或另籌款建置週圍耳房高其牆垣令住四五十人如此則地址高曠讀書安靜一便也先師靈位仍憑不爽二便也房間淺小易集工資三便也鄉賢名宦借地崇奉四便也所遺三台舊址卽作義館三處俾寒畯小

雙冷齋文集

卷二

黔象小補

七

子亦咕嗶有所如此則少長攻讀邑滿絃歌人文有不蔚起者乎是否有當速籌議稟覆毋忽

修河隄示 十五年冬

照得河患爲切近之災冬令正役民之日前因山水泛漲籌築堆撥裹以篾簾暫救眉急著有成效惟是功程浩大欸項支絀若因此停工則前工盡棄若概令捐錢又恐病民再四躊躇一面措三五百千錢文節節進占一面合城廂居民人力日日工作有錢以顧匠役有人以集石料庶幾衆擎易舉不致功廢半途况現在農事已畢正值公旬之期若待信而後勞恐非權變之道爲此示仰城廂軍民人等一體遵照念前此河患迫近歷任何以畏難而苟安此日功費甚多本縣何以曉音而瘠口庶幾人人激發天良行見功成不日從此

雙冷齋文集

卷二

黔篆小補

八

一勞永逸均獲鳩安遑恤三日辛勤形同爾積其法按十家牌戶出一人人役三日除鰥寡孤獨實係窮民無告外無論紳衿兵役鋪戶農氓一律編派能出力者赴工充作不能自力者出錢顧覓凌晨到工日落歸息聽鼓聲以警衆鳴金號而饋殮斗酒慰勞用獎勤奮竹扑示辱以警惰游將此通諭知勉毋忽特示 正百千錢文節節進占一面合城廂居民人

支縣各園此科工俱備工盡棄營謀合謀幾又恐礙民再四
業批辦寒以發覺曹姓鼠偷善育知效勤長也對者大爆
湖督所患爲切近之災冬令正役民之日前因山水泛漲籌

預籌積穀兼顧招解議

十五年冬

竊思民以食爲天食以穀爲要穀之不足他食雖可充饑不免枵腹且易積莫如穀縱有鼠食朽壞可藏之數十年水旱天災何時蔑有倘平日戶鮮蓋藏臨時必束手待斃所以前人建設社倉義倉取於豐年散之凶歲以每歲之有餘備一時之不足甚盛舉也 前督憲丁頒發積穀章程云收穀一石者出穀一升收穀十石者出穀一斗收穀百石者出穀一石收穀千石者出穀十石百分取一於民無病而荒年則有儲備如一鄉出穀共有二千石每年可積二十石以三年計之可六十石以十年計之可二百石天道十二年歲星一週

雙冷齋文集

卷二 黔篆小補

九

爲一小變縱有水旱不齊亦足以敷賑濟令各辦各鄉將所收之穀儲存公所公舉殷實戶口管理待荒年卽行發出老弱婦女旣無領取往返奔走之苦亦無涓滴花消妄費以出之民者給之民自出之自食之諒亦樂從但非大荒仍不准牽行出給以致耗散儻有覬覦公穀行凶恣鬧准予稟究再黔邑命案向無招解等費每遇毆斃重件派差下鄉到處飛灑其凶犯破家亡身固屬咎由自取奈鄰居親朋往往因而受累甚至有一無干涉亦復重罹災咎推原其故皆由招解經費無措故官委之於差差得朦蔽爲奸甚經團保攤派已敷解數而差役零星收取徒飽私橐仍於公件無益皆由錢

不充足故雖獲犯訊確情罪已當案仍懸而不結所以冤抑莫伸上干天和年來水旱頻仍職此之由查川省各州縣率於肉釐項下抽收三費我黔地瘠民貧肉釐年中祇有百餘千之譜除盜竊要案賞需外實餘無幾而距省寫遠命案招解少亦得二百餘串似此經費無出奈何奈何再四思維惟有平時按丁口出錢如一家有一口者每年出錢五文有五口者每年出錢二十五文有十口者每年出錢五十文由此類推雖貧家亦可勉爲而積少成多年復一年如一鄉有五千人每年可積二十五千有一萬人每年可積五十千三年則有一百五十千之譜儻有命件立可發出應用庶不至倍

雙冷齋文集

卷二

黔篆小補

十

又七

莖稱貸頃刻破家此雖新令實由古來夫征遺意亦卽鄉田同井出入相交守望相助疾病相扶持之意也古者田必出賦如按石取穀是夫必出征如計口出錢是但古者取之於上數皆入公消歸烏有今則儲之於下利猶在民可備不時儻辦有成效三五年內年饑不足穀不敷賑貸則以所收口錢權歸救荒儻遇命件錢不敷招解則以所收穀石變充解費似此兩欸相輔而行實爲穩便可行之久其法則以十家牌首湊足按牌交公正團保登簿再擇殷實戶口儲存概不取息仍每年年終報明地方官將所存穀數錢數若干立案儻有侵蝕准衆花戶指名稟許以期實事求是地方官亦不

得無故抽提致令民間血膏化爲烏有儻遇貪汚卽合二十
一鄉紳糧公同理拒庶幾良法美意官民皆便此本縣於萬
無可籌之中與爾民籌思萬全之道是否可行仰爾軍民人
等集議稟覆毋忽

雙冷齋文集

卷二

黔篆小補

黔邑賑災紀事

十一

光緒十六年庚寅春陰雨連綿彌月不開蔬芋霉爛人漸乏
食鄉里之董事者走相告子旣急籌款百餘千救濟尤窘迫
者自土金溪等鄉先是各鄉均以容歲雨多歉收穀用不足
民有菜色然猶忍饑扶病種耨戚戚然冀夏秋之有成轉歉
爲豐也忽首夏初三晨起雷雨大作蛟水漲發環八面山左
右附近田土冲決漂沒盡付洪流子急登陴拜禱妖氛立靖
雨亦旋止而一望城外沙墟平漫莫辨塍隴疊據三屯柵山
後壩酸棗洞口等鄉先後報災旬日間米價陡昂奸民煽惑
富戶閉倉不糶市無宿春斗米增價至千五六百不止持升

斗往市者稍後則估罄空具而返饑民惶惶朝不保夕良懦者食草根樹皮以充饑樂暴之徒相與倡爲喫大戶之說到處搔擾廿一鄉富戶均岌岌不自保而鄉里遂重困矣予一面詳稟大憲請卹一面卽日開倉平糶並諭各鄉社首仿照辦理嚴定章程每戶五口以上每場發米二升三四口發米升半一五口發米一升或半升每升取價五十八文毋濫冒亦無向隅又慮民間日乏食復飭城廂團紳上緊設局按日出售每升取價八十文給票取攜聽由民便循環糶糶淵源不竭城廂三屯資給以生者九百餘家然各鄉之延頸舉踵呼籲以望賑者毋慮千萬戶皆剋日以待當是時予五中焦

雙冷齋文集

卷二

黔象小補

三

又

灼夜不成寐欲捐廉則囊澀堪羞欲重派則殷實返累適義士周生呈請願繳京斗穀四百石以作賑需予驟然曰有以哉上蒼好生固無絕人之路而予得此卽可資給以爲衆倡卽以其穀留備三屯洞口碾運急折價墊欸五百餘千散之四鄉以被災之輕重酌賑給之多寡不數日而各鄉溥遍因諭各鄉團紳一律勸諭糧戶樂輸協辦有捐穀者有捐錢者有施米者有自運賤售者有入局平糶者有一鄉共辦者有分排各辦者有放穀秋還者有煮粥日給者辦法不一而大率每升取價八十上下間或隨市減價二三成不等予復不時延客有以公事見者立卽傳詢諄諄諭以急公好義共濟

時艱並救貧卽以保富之說有勞曰惟我任有怨曰亦惟我任於是城鄉紳糧各勉力踴躍輸將而嗷鴻安集成慶復生矣黔處萬山之中水陸不通既無舟車運載又乏大商巨賈可以籌墊緩急復遭鄰境水荒倍甚於我接濟之源絕徒以嗥音瘠口寓激勸於零涕而湊集巨款克度大難旋幸秋成豐稔民皆安堵此實

皇上盛德所感召大憲恩意所澤沛與夫鄉風之猶古團紳士民之共勉於義豈非予之厚幸也哉斯舉也城內平糶官紳協辦賣米至二百六十餘石折錢千有餘串辦理爲最善紳糧捐至七百餘千亦爲最多而白鶴陶姓除平糶外放穀

雙冷齋文集

卷二

黔篆小補

十三

四百京石後壩董姓平糶一百二十京石金溪王姓施穀一百京石學署陳公紳衿李生各施粥一月有餘日給二三百人合共自五月下旬起至七月二十日止城鄉設局輟局先後不同約計辦理兩月有餘饑民共九千七百七十餘戶平糶市斗米一千一百九十六石五斗二升二合施粥與各鄉社穀分借者在外謹分別誌之以示不忘天戒云

後壩鄉禹王宮告示規條

十月初

告示公業

爲嚴禁刁徒滋擾以維神祀而一人心事照得大路壩界連川楚禹王宮爲第一古刹在昔廟宇輝煌祭祀豐腆推原前人創建遺意實因追念明德永薦馨香自光緒十二年以無端小竊釀成大家黔成纏訟累年不休田中之常熟蕩盡廟內之器具搬毀雖由首人經理未善亦緣羣情橫鬧無已照例懲辦則事屬旣往株連太多再容含糊則愈不堪問曷有底止要之爾痞黨明干國法幽稽天誅必當身罹囹圄斬絕子孫永不昌達爲此仰爾軍民人等一體知悉自今以後捐棄舊惡同登善域所有廟內田土穀石務期實事求是出當雙冷齋文集 卷二 黔象小補 古

者酌量回贖如實在無力准酌賣別股贖回此股待一二年廟有蓄積再行添置凡當花戶各業亦宜一律清結飭令回贖如實在無力必割業過耕另招佃戶不得佃轉耕栽致鞦韆虧欠所有宮內動用器具憑團衆清查如數退還並不得在官牆內外撥草堆糞肆行作踐有一於此准首人住持連名稟究差拏治罪輕則柳杖重則徒流三尺具在慎懷毋違特示

一首事宜擇也廟業關一鄉祈禱非公正老成之人不足以資襄助而孚人望若遞相接管人類不齊一經虧挪誰任其咎此後首人替代稟明由官定奪不得藉口公業輪流接管

致再頽敗

一僧人宜重也任持不守清規儘可憑衆理斥再不聽從首事稟官驅逐若佛堂清潔香火無缺經理有條所有廟內錢穀亦宜協同理落不得置身事外

一帳目宜明也宮內錢穀出入簿載不清無怪衆議沸騰此後收支逐一登記務用大本楷寫不得草減仍於會期憑衆結算有餘不足年清年欸不准含混仍宜用正本副本一存首人一存宮內僧人經營以防燬竊

一會期宜定也鄉里賽會一以酬神賜一以聯梓誼本屬盡美盡善乃無知者藉口報賽舖啜無厭酒肉醉飽譁然無忌

雙冷齋文集

卷二

黔象小補

五

此後每年祇准一會備有酒飯餘會惟清茶恭候以節糜費一訟費宜別也利之所在人爭趨之况公業稍有積餘必多覬覦掌管與訟構禍若告發審實首人經理無過無論訟費多寡概由公款開銷但須隨事檢點若果有侵吞浮冒劣跡訟費自應首人自行墊賠不得藉口因公拖累濫行開銷

一糾搶宜懲也首人不妥衆糧戶自應聯名稟許聽官定奪更換追究若藉口公忿恃衆把持率將官內出穀估收霸挑變價控告爲先發制人之計是尤人而自蹈重咎准首人鳴團按名捆送到案一經查實無論所控虛實先治以糾搶應得之罪然後將案情問結

一廟宇宜新也田穀稍有儲積審時變價一面贖回田業一
面整理官牆內外毋得咨嗇致久朽敗節查只口試制內
一立案宜預也年內收穀多寡作何應用是否實存是否變
價憑眾結算後卽行來房具稟黏單逐款載明存案以一事
權而杜後累節查谷米良米又山穀穀入鳥派不陸一徵普
管稅計八十里小香衣三四十里蠶只籍少無蠶只大蠶只
東西距幾二百里南并餘二百五十里長二十一歇每歇大
蠶豐味只西并湖節查蠶只籍少無蠶只大蠶只
蠶架香蠶節查蠶只籍少無蠶只大蠶只
南越西調東北感感北
善蠶團練稿十六年十月

雙冷齋文集

卷二

黔篆小補

籌辦團練稿十六年十月

去

敬稟者竊卑縣僻在邊隅西界彭水南接酉陽東北連湖北
咸豐利川西北隣利川石碛鄆都等處幅員橫斜地界插花
東西距幾二百里南北約二百五十里分二十一鄉每鄉大
者跨七八十里小者亦三四十里煙戶稀少無廣川大場以
鳩居率隨崖散處各保身家又山深路仄鳥飛不到一遇警
覺卽隔一二里許聯在十家牌者亦呼應不靈此宵小出沒
之易於藏奸卽編聯保甲之刻不容緩者也卑職自履任來
恪遵皇憲臺札示嚴飭保甲編聯門牌清查戶口先除內窩
以絕盜源次密防禦以壯聲勢每遇因公下鄉鳩集團丁諳

諳諭以出入相友守望相助至意又思詰盜之法不在攻盜而在攻心苟不欲書差不敢玩法約保知所趨向卽土棍外匪亦各望風斂跡回心喪膽年來境內得以少安職此之由奈頻年水荒人民饑困今夏多方救濟嗷鴻安集不至流離旋幸秋成中稔得以安堵無虞惟隣境利川咸豐同此荒劫而撫綏乖方以致收成歉薄一荒再荒流亡滿目慘不可言刻扶老攜幼遷移貴州者日不下數百人竊思彼地土著旣各遷去外匪必攔入盤踞滋生事端卑縣與爲唇齒不得不有戒心况酉陽彭水號稱難治現復新舊交乘狡焉思逞者亦恐乘間竊發卑縣以四境較論民情雖屬健訟尙無帶

雙冷齋文集

卷二

黔篆小補

七

刀打堡積習但界居巖疆蹂躪堪虞伏查保甲以清內患團練以禦外侮川省自同治元年兵燹後戢戈橐弓疊奉前憲札飭不准地方濫矜藉團練名目妄行攤派祇嚴飭保甲團練卽寓其中此實爲除弊安氓起見而奉行者不善會此意謂從此可以偃息前此團上軍火旗械存者半朽者亦半二十餘年來積習相沿已非一日刻近處災荒流離載道伏莽可慮卑職擬一律整頓酌量補綴城內及附近鄉村酌調團丁月操練二三次以期步武齊整技藝嫻熟其鄉場較遠者仍約期輕騎簡從自備資斧下鄉點驗飭令各家自置防夜木棍並銅鑼木梆由團紳酌添旗幟火鎗存諸公所隨時

訓練一遇有警鳴鑼擊柝聯絡聲氣頃刻集團捕捉不得陽奉陰違如此則農隙講武既不至苛累民間而平居之比閭族黨卽有事之伍兩卒旅保甲以清內團練以禦外庶幾古者寓兵於農不負 憲臺責成各屬有備無患實事求是至意是否有當謹就現在情形確實具稟再 卑 縣煙幫過路歷有年所從未若今日之多近因湖北來鳳設釐最重故皆繞道規避日常一二百挑川楚游民借幫肩餬口麇聚道路每與鄉間窮民口角現嚴飭店戶作保隨時稽查合併陳明除一面飭辦外所有整頓團練保甲及現在地方情形理合稟乞 憲臺俯賜察核示遵

雙冷齋文集

卷二

黔篆小補

六

團練章程

一古法宜知也團練之法起於保甲五家爲比卽五人爲伍五比爲閭卽五伍爲兩四閭爲族卽四兩爲卒五族爲黨卽五卒爲旅無事則出友相友有事則守望相助故云寓團練於保甲之中

一軍裝宜檢也饑荒之後派令修造器械未免擾累惟舊存旗幟軍火刀矛鎗炮應卽檢查存留若干登簿記明以後再失落者責令賠補現紳糧有願捐造者聽

一人數宜齊也按十家牌戶出一丁聽候團練每屆冬令按月操演二三次以期號令齊一耳目熟識鰥寡孤獨者聽免

餘年五十以下十六以上概入團簿不准玩匿違者稟究

一器械宜備也各鄉修竹最多由團首剪取長竿五六十根削尖用桐灰煮令堅硬存諸公所應用至刀矛火鎗非私家所應藏未便購買惟防夜木棍家家可有_{不費錢}文令一律照樣預備以防不測其殷實紳衿自備火鎗者亦聽

一響應宜徧也富者每戶置銅鑼一面貧者備木梆一箇有警卽鳴鑼擊梆遠近齊聲團丁各執棍趕向搶劫處所盡力圍捕兜捉閉門不耳者稟究

一火藁宜預也搶劫多在夜間團丁每因夜黑路險聞警不理此後各家常時備火藁二十把存待急需平時不得應用

雙冷齋文集

卷二

黔象小補

五

XX6

一木柵宜設也大鄉橫距七八十里小亦三四十里巡防難周宜於埡口要處設立木柵每夜起更時分派人關鎖無論生熟人等不准出入其毘連隣境盜匪出沒地方設立更房每夜三四人巡警預備信炮銅鑼火鎗刀矛遇有面生可疑之人不令過往有嘔匪卽行放炮鳴鑼聞鄉周知齊團抵捉按十家牌輪流支更不得僱無籍游民窩賭誤事所有燈油水火向富戶湊給口食自備

一民情宜和也各鄉打搶多在富家貧者無慮故團練設防往往富者願而貧者不願不知貧戶亦有豬牛巡防既周盜賊不能出境豬牛可按戶清獲故團練保護身家富者宜努

力捐助貧者亦宜協力幫辦不得妬富狹嫌貽誤大局
一技藝宜精也禦盜貴有膽力平時不講拳勇臨事必畏縮
不前刻城內設有團練總局延師教習鄉間有願自備資斧
入局學習者聽但必有身家團紳具保者方准不得濫入
一心跡宜明也團練保甲衛護鄉里非藉漁利此番整頓不
過造花戶一册聽候點驗其在器械木棍責令自備每遇練
期團丁裹糧從事無需攤派分文所有傳喚些小口食由團
紳富戶相勸給發無庸累及貧民

雙冷齋文集

卷二

黔象小補

子

修柳孝子亭並置祭田及貞女郵穀稿

十七年春

敬稟者竊

卑

縣僻在邊隅苗夷雜處禮教罕聞又地瘠民貧

習於苟且而少親睦節義之風

卑職

自履任來每遇家庭爭

財婚嫁不明案件重加懲治反復諭以子道婦道之宜月朔
及因公下鄉恆飭團保宣講

聖諭十六條以重倫常而興禮教乃積習相沿粹難變革大率
子稍長大便分財異居夫土未乾卽琵琶別抱親在析產而
父子之倫失夫亡立嫁而夫婦之道乖父子之倫失骨肉幾
如行路夫婦之道乖人類有若犬馬若概繩以律條則小民
無知沿習已久若聽其從俗則風氣日壞又非憲臺道德

齊禮至意因思法施於已然使人有所畏而不敢逞莫如教
令於在先使人有所慕而悉知感查縣治東舊有漢柳孝子
祠層臺崛起行路感歎自咸豐間兵燹後屋宇焚毀僅遺地
基迄今父老道及猶爲隕涕卑職思邑有孝子人知向慕非
隆其廟貌不足以壯觀瞻於是捐廉倡修各紳衿亦踴躍襄
助自去年冬季興工至今年四月工畢規模視舊較爲廓大
高聳共用錢一百五十餘千又慮歲時祭祀無出廣爲勸募
得錢四百千置田一段年可收租穀十四石以一半爲春秋
蒸嘗之需又訪得城中有貞女三人李程氏李王氏尙王氏
年各四十餘均過門守節二十餘年貞烈可嘉人無間言以
雙冷齋文集 卷二 黔篆小補

卷二

黔篆小補

三

年限未符尙未請

旌而家無擔石之儲艱苦異常擬以新置田穀一半撥作貞
女卹款俾三人借資度日以成其志各婦女亦知所趨向而
重廉恥如此則旌淑別慝樹之風聲父子之倫可以敦夫婦
之道可以正是否有當理合稟請 憲臺俯賜察核批准立
案施行

一舊建三台書院講堂廂房門壁牆垣俱全向延山長任坐各房從學聽占茲新建墨香書院東偏亦設講堂地較高敞學舍共十七間亦聽從學自占每年歲修新書院由大成會皂角灣田土一分按年收市斗大穀五石八斗撥入新院舊院由捐輸局提補

一山長脩敬火食聘金節禮每年錢一百四十餘千向由官壩曾家壩口田土租穀變價支給由官經理茲仍照舊

一酸棗鄉張任氏先後施業稟准移遠就近變價獲錢一千六百七十千又樂輸錢四百千又各姓措捐錢七百五十七

雙冷齋文集

卷二

黔篆小補

三

千共二千八百二十七串十五年十月得買官渡桃子壩響水洞一業去錢三百千文年收租穀七市石十六年十一月得買西山螞蝗溝一業去錢一千七百串年收租穀四十六市石十二月得買黑山溝一業去錢六百一十千年收租大穀十六市石包穀五石三斗三契共載糧一斗四升六合共長價錢二千六百一十串年共收大穀六十九石以每石三斗合價約計錢二百零七千包穀五石三斗每石五千合價約計錢二十六千五百文除業價外餘欸作今年考課應用一雲峰寺租穀每年入二十石上下向由官飭差追收儲寺倉變價作爲膏火支用茲仍舊約計可獲穀錢五十五千之

譜合前二宗共每年入租穀錢二百八十八千之譜

一以上穀石俱按平價合算儻遇年荒穀貴至四五千外支用有餘卽以其餘出放殷實鋪戶積有百千外卽可酌量買田多培穀石如遇豐年穀賤每石二千四五不等卽將城內存儲大穀六十九石包穀五石三斗估計膏火獎賞多寡給予斗升以抵錢數而敷應用雲峰寺穀仍變價發給總不得首人侵蝕致滋物議而各士子亦不得妄造謠言希圖霸管一書院經理首人不拘城鄉公舉六人爲率少則四人監察書院一切事宜俱要公正和平素愜人望者方准舉充由官定奪不得私相推薦另設齋長一人管理收穀糶穀錢項出

雙冷齋文集

卷二

黔篆小補

三

入一切事務每年給薪水錢十千擇青衿中殷實老練者充當亦由官定奪以專責成首人舉其綱齋長司其目不得藉口公事每年妄議更換

一本年所有支銷俱係上年積儲本年穀石秋收上倉卽行請官封批待來年二三月間方准議價出售如本年穀石擅自動用或藉口別項公事挪借惟齋長是問

一縣屬士子多半寒微藉訓蒙餬口且距城寫遠有至百數十里者若月月扃門課試奔走跋涉曠日廢時反於教學有礙今酌定春夏秋冬四季大課除正臘不課外春以二月初三夏以四月初三秋以七月初三冬以十月初三爲期一律

局門考試限定辰初點名二更交卷不准帶卷出場違者不
閱餘每月初三十八日聽遣人赴禮房領題給卷限三日交
齊以示體恤遇有加閏由官捐廉獎給不與膏火正欵相涉
一每年禮房經理大小課事宜不無微勞定於每季課給經
費錢一千年共四千餘不准勒索

一向來縣課祇春季收錄一次預備席棹浮費孔多今酌定
每季局門大課每卷給點心麪二碗以便就坐充食且節糜
費所有點心茶水柴炭等費俱由捐輸公局提撥不與膏火
正欵相涉

一縣屬士習浮靡每課直錄陳文者生童不下十餘篇所有

雙冷齋文集

卷二

黔篆小補

三

卷賞仍聽自備以杜濫冒每卷給賞本錢二十文先期赴房
給賞填名不給卷賞臨點估索者概不准予

一每季課額取超等文生八名每給膏火錢一千二百文特
等文生八名每給膏火錢八百文額取上等文童十名每給
膏火錢一千文中取文童十四名每給膏火錢六百文共膏
火錢三十四千四百文

一季課額定獎賞超等第一名六百第二三名每五百第四

五名每四百第六七八名每二百上取第一名五百第二三
名每四百第四五名每三百第六七八九十名每一百共獎

賞錢五千四百文

一每月初三十八日小課無膏火額定獎賞超等文生十名
第一名獎七百二三名每五百四五名每四百六七八名每
三百九十名每二百上取文章十五名第一名獎五百二三
名獎四百四五名每三百六七八名每二百九十至十五名
每一百共獎錢七千文

一全年四季課共膏火獎賞錢一百五十九千二百文十六
小課共獎賞錢一百一十二千文齋長薪水錢十千文禮房
經費錢四千文三契田業每年應上正糧錢一千三百七十
二文收支兩抵約餘錢一千四百二十八文

一此番膏火獎賞俱係創設規模狹小儻以後穀石除每年

雙冷齋文集

卷二

黔象小補

三

開銷外積有餘欸或紳糧樂捐再行推廣增加

一縣屬荒陋向來讀書苦無善本前領官書多已失散刻向
尊經錦江兩書院購置正經正史十餘種存儲院內借資觀
覽各士子祇准在講堂恭坐誦讀不准攜歸卧室致有遺落
其書厨管鑰及借書帳簿責成齋長隨時登記不准率由自
取有失卽問齋長賠補雖山長學官等借閱亦必註簿隨取
隨還不得久假不歸以昭畫一

一院內外新置竹木原以培風水而壯觀瞻如遇住院人少
房舍有餘生童中有借此課讀宜嚴束學徒儻有砍伐竹木
以及損壞門壁污畫粉牆者齋長稟知卽飭設館人修補

文昌宮三會告示 十八年

爲嚴切曉諭明定章程以杜濫冒而維終久事照得徵文考
獻典禮攸崇覈實循名冗浮必汰查文昌宮創自前明迄
於昭代藉盛世重熙之盛有施主各姓之施青旗載祭於東
郊黃穰棲糧於南畝此實帝君神靈所呵護亦卽闔邑士
庶所歡欣者也夫正殿輝煌上映台符紫極寢宮雍肅旁參
暮鼓晨鐘振鷺飛來柘柏之林蔭翳文鸞翔處管絃之榭騰
空奎光閣峻峙於東李公祠附祀於後允矣幽明共鑒神人
協和况復賓興初建春秋闢足助旅資卷價繼增州院試競
傳鼎盛褒多益寡集諸善士爲大朋自初迄今聯衆穀挑爲

雙冷齋文集

卷二

黔象小補

三

三會每逢杏節卽是瓜期二月春風首士之頭銜旣戴一天
暑雨秋收之息產照分無如不肖者恆思染指公直者望且
寒心爲己謀爲家謀不爲公謀由縣控由州控激而道控遂
至以禮樂詩書爲荼毒衣冠俎豆爲干戈不畏王章詎不畏
天譴不於本身必於其子孫言之痛心數難擢髮是用望爾
紳衿人等蠲滌私心務彰公道自示之後一遵成規經理毋
輒紙上談兵革薄從忠事事務從樽節懲前毖後在在堪以
盟心無愧衾影無慚名教庶幾宮業日有起色浮言會且潛
消矣

黔邊邑也民半江湖流寓風氣不一又兼地僻筭深多棚居
厓處鮮詩書之澤偷安旦夕禮教罕聞習於惰窳苟且而不
免禁網之觸予履任後洞悉其弊日夜思之極知積重難返
第念官爲司牧教戒是予專責膜視不可因撮其風俗之最
彫敝者十餘款援古證今以勸以懲名曰齊民術要其從子
言而改也者將範圍於民藝物則之中所謂齊之以禮也

其背予言而馳也者將日蹈於法網條律之內所謂齊之以
刑也曰術者明非以德化民空言未必有補也曰要者積習
難以枚舉此特揭其大凡也孔子云不教而殺謂之虐况皆

雙冷齋文集

卷二

黔篆小補

三

蚩蚩之民乎惟歛內如慎婚配重倫理謹析產諸敝俗非特
長民者所不欲言亦不忍言若筆之於書傳播四方尤不足
以辱大雅聽聞故藏諸祕而不以示人癸巳春學博陳公見
之謂切中時弊有裨於斯邑人心風俗非淺立諭同席諸紳
錄金付梓並允爲序簡端以資風厲予以語俚不文辭不獲
已亦略序如此而條例於後

一禁吸煙洋藥爲害斯人盡知乃城鄉食鴉片煙者十居六
七俗習相染賢者不免坐使一身筋力甘爲偷惰祖宗產業
盡歸蕩費暮氣尸居俾晝作夜甚至嗜好漸及童婦廉恥馴
至悼喪枯槁其肢體羸黑其面貌此弊不除萬無致富之理

是宜禁

一戒賭博賭之爲業無非設局誘害傾陷良懦暗地喪家敗德明裏損聲負義旣與流痞爲伍鄉里因而不齒聽窩家之分肥干王法之罪譴別經查覺除賭棍窩戶嚴懲不貸外定坐該場市牌鄰父兄鄉保以夥同容隱之罪是宜戒

一懲酗酒酒雖合歡古人祇以奉明禋乃近則十室九釀滋味麴蘖坐使有限糧穀充此無厭饕餮旣醉之後逞凶使氣怒罵人者人亦罵其父兄毆打人者人亦打其肢體尤無理者清明焚獻春露悽愴而殘杯冷炙招朋呼友忘親背義莫此爲甚是宜懲

雙冷齋文集

卷二

黔篆小補

三

一嚴內外男子治外女子治內嫌疑宜別禮有明文乃通衢囂市紅粉當鑪出頭露面混淆雜作概無界限所以姦拐誘逃之案層見疊出忍辱厚顏誰執其咎是宜嚴

一謹析產人之生子原以防老老失所養焉用子爲兄之有弟亦資臂助分門別戶何能急難乃往往因妯娌不睦遂別財異居天親等於秦越骨肉視如行路傍鄰各居勢必謂他人父謂他人母豈知非我族類其心必異遇有大難呼天搶地亦莫我顧聞也何如父子兄弟團處之樂乎是宜謹

一慎婚配君子之道造端夫婦上以奉先祀下以衍後嗣富貴在所不論年紀要求相若男長於女乾綱克振女長於男

禍水暗胎乃竟有女長於男至十餘歲八九歲者祇圖操作使令之便不顧牀第強弱之異馴致妻豬艾豨穢德彰聞擬此後匹配不均先坐主婚者之罪是宜慎

一重倫理禮云叔嫂不通問又云是嫂謂之母主名已判服制攸關乃鄉里惡俗往往兄終弟及弟歿兄占謂之轉房人類禽獸干法亂紀莫此為甚尤異者夫歿而妻不能守側聽出嫁乃夫故未久先與人姦反招朋延客主婚應聚謂之上門宣淫沒恥異姓亂宗其故夫死無以瞑目其藐孤噤難以稱呼燕婉戚施醜穢難聞是宜重

一聯墳墓詩曰同穴風曰歸居夫婦之道生既同衾歿而合

雙冷齋文集

卷二

黔篆小補

完

葬魂魄相依想亦得所且高曾祖父接葬昭穆攸分爲大宗爲小宗子弟者因歲時焚獻孝子之心油然而生詎不愈乎何惑於風水之說到處求穴致令尸骨播遷迄無定所以父母遺骸求子孫繁昌天理人情揆多不合是宜聯

一峻垣牆垣牆之設所以蔽內外防盜賊也乃黔邑人民大率有板壁無牆垣開門揖盜自撤藩籬偷安旦夕有同幕烏擬此後有屋無牆失事者先治以疎虞輕罪是宜峻

一清帳目日中爲市交易往來逐日登記一日一結或按三節清算至遲年底務要算明即親故礙情錢緩而帳目總要面結欠一總數擬此後涉訟有年終不挽結者先問以延誤

輕罪是宜清

一去墨票憑票之興藉資周流然必有鋪面字號方准行使若農民目不識丁是否手跡猝難辨認倩人捉刀最易長拷搯之風此後農民錢項交涉准憑證書立借券限字敘明緣由不得卒用墨票違者受授均以撞騙索詐論罪是官去

雙冷齋文集

卷二

黔篆小

積儲倉穀稿 十九年冬

三

敬稟者竊聞國以民爲本民以食爲天一歲不登民受其饑一日不食民因以乏此自古以重農貴粟爲先務而今憲臺急急以留川東土稅買還動用常平倉穀爲請胥此意也卑縣僻處山中舟車不通商販罕至中稔之年本地出穀僅敷用度一遇水旱富者閉倉不糶貧者遂束手待斃向有額貯常監等倉穀軍興之時或變價充餉或被匪焚掠久已顆粒無存嗣辦積穀亦於光緒八年稟准悉數散還民間助賑刻所恃者僅社倉稍有餘存然多散儲各鄉又半援春放秋收之例歲習爲常及遇凶荒十倉九空若一味禁止率以民

捐民用並未虧空爲詞而胥動浮言此十六年卑縣奇荒目
所親見而不勝扼腕者也今幸叨 憲臺福庇感召天和屢
年豐稔穀價賤減自應廣爲籌備以戒不虞惟是地素瘠苦
大祲之後元氣甫復若勸捐積穀假手於人反覺騷擾卑縣
捐輸公局攤派年清年欸向無存積卑職 履任來循照舊章
於常派之中逐加檢核局內紳衿亦各體此意諸於口食薪
水項下格外節省故數年之間得餘錢五百餘千陸續買穀
今計共存京斗穀五百二十八石九斗四升七合三勺在於
本城江西館借地建倉二厥妥儲取名豐備倉總核連建倉
運力共去錢五百九千零一百六十四文飭首上平浪然

雙冷齋文集

卷二

黔象小

三

等認真經理毋致耗爛遇有凶荒官紳協商或減價平糶或
夏放秋收或竟捐濟在隨時察看災情定奪似此杯水車薪
誠不足以救闔境荒黎然就城中而論足資兩月有餘前此
平糶曾有信驗於國計民生不無補益相應仰懇 憲恩俯
准立案批飭列入交代自非凶荒稟奉批准官民俱不得私
自挪動倘有不慎責令賠補再此穀係捐局餘欸積存與常
監等倉不同可否毋庸報 部並免委員盤驗按年造冊以
歸簡便易行而無窒礙之處伏候 鈞衡所有卑縣連年買
穀備荒緣由是否有當理合稟乞 憲臺俯賜察核立案示

遵

黔江陳藩垣校字

